

聚學軒叢書

四書是訓卷八

聚學軒叢書第三集

武進劉逢祿學

貴池劉世珩校刊

社稷

禮器圖

大司徒設社稷之壇郊特牲云君南鄉于北墉下

注以爲社內之北牆大司徒疏謂中有壇壇四面有壁
壁外有壝此禮書所謂其壝北面也又小宗伯左宗廟
右社稷注謂庫門內雉門外之左右蓋注以雉門爲中
門也白虎通曰天子社廣五丈禮書方廣五丈諸侯半之其色
東方青南方赤西方白北方黑冒以黃土記謂大社必
受霜露風雨以達天地之氣故不屋勝國之社則屋之
其祭也賈疏以爲同壇共位則一壇也禮書以爲社東

四書長言卷之二
稷西則二壇也以理論之社稷本二神則禮書說爲是
又鄭康成以社用石禮書云議者謂社主長五尺方二
尺刻其上以象物生方其下以體物體埋其半以根在
土中而本末均此臆論也夫石爲地類先儒謂社主石
爲之長不過尺五寸蓋有所傳然也

周官義疏

封人

小宗伯建國之神位右社稷左宗廟而匠人

職左祖右社大宗伯以血祭祭社稷而鬯人職社壇用
大鬯州長祭社專爲祈穀則無不祭稷之義明矣而此
惟舉社經傳亦無專言祭稷者以是知稷與社異壇同
壇祭同舉也

又大

州社經有明文黨正祭蜡亦宜有社樹之田主似
司徒

謂樹木于社壝以表一方之田名社與野卽爲田主之義也注疏乃以爲田神而別求尊于社稷之神證以詩之田祖以神農當之豈祭社稷乃奉田主之神以臨之乎抑別有田主之祭而奉社主稷主以依之乎經傳中絕無社稷與田主先嗇合祭之文朱氏申之說似較注疏爲近理

會同

周官義疏
大行人

時會殷同大宗伯大行人旣並言之而諸職

中言會同者非一公西氏言志亦云如會同可見人多禮盛不僅如尋常朝覲而已會同則爲壇于國外如司儀職所云合諸侯令爲壇三成覲禮所云諸侯覲于天

子爲宮方三百步者是也案之鄉師牛人縣師遺人稍人廩人司市賈師諸官會同則有徒役輦輦牛車任器委質之供眾庶之作糧食之備賣儼之市而大祝職言大會同過名山大川用事焉則會同似不專在近畿國外者意發禁施政所行者遠則于侯國封壤擇一都會之地以爲會同之所而王適焉者蓋亦有之會同二者對文則別合言則通故諸官皆連言會同也其合諸侯大約不過數十國而止以壇宮所容無幾而君行師從則其止宿之處或虞不給而芻薪亦難繼也然則當會同方伯連帥量率其當有事于王家者而非胥六服以行矣 又案小司馬職小會同掌事如大司馬之法意

四方之方伯連率率諸侯而畢會則爲會同之大者若止一方則爲會同之小者與 注謂十二歲王不巡守則殷同據下經巡守殷國並承十有二歲之文也然因不巡守而殷國經亦究無明文先王卜征五年而歲習其祥祥習則行不習則增修其德而改卜是巡守雖以十二年爲期而是年不行次年可改卜也既可改卜何爲徧召六服而使之盡朝哉蓋朝覲宗遇常禮也猶祭享之祠禴嘗烝也會同盛禮也猶祭享之有大禘大祫也盛禮閱數年而一舉所以震耀聲靈而齊一諸侯之心志也舉盛禮則不復舉常禮歲無二朝蓋不欲數勤諸侯矣反覆經文似是如此但注義承習已久不敢輒

廢故並存而論之

儀禮義疏

覲禮

周官言朝覲會同者非一或專言朝覲或專

言會同或統言朝覲會同又或言大朝覲大會同又或言合諸侯目其事者有異則行禮之處與其法儀亦當有殊然諸職散見其緒芴如條分縷析而各指其所歸蓋難言矣 此禮有因巡守而舉者亦有不因巡守而舉者因巡守則舉于方岳不因巡守則無論王畿內外遠近皆可舉職方氏先言王將巡守下云王殷國亦如之則是巡守與殷國爲二也若京師之朝覲見於廟見於朝者其恆也設使來朝者多若一一特見旣恐久留賓客而王亦不勝其勞且或廟朝之不足以容也于是

爲壇于國外以受之一日而畢事其斯爲大朝觀之禮
興若然則亦不必以十二年主不巡守而後有此矣爲
宮而四門略放明堂之制必四門者以其四方有當禮
之神故設四門以通之也雖有四門而諸侯待覲則俱
入自南門而卽位於壇之南耳與明堂位之法异也聘
禮習儀云爲壇壇無宮而此云爲宮則當有牆垣矣深
四尺言其最上一層之崇也最上一層所謂堂也崇四
尺而爲三成是每成一尺而堂不以成數也每成一尺
則一舉足而升無階矣近鄭有明堂諸侯之覲不於明
堂而別爲宮其故未詳豈朝諸侯於明堂爲非常之典
第間世偶舉之而不可以襲與

元端

禮器圖

儀禮士冠禮元端元裳黃裳雜裳緇帶爵韞特牲饋食禮主人冠元端玉藻諸侯朝元端夕深衣雜記端衰喪車皆無等周禮司服其齊服有元端素端鄭司農云衣有襦裳者爲端鄭康成云變素服言端者明異制端者取其正也士之衣袂皆二尺二寸而屬幅是廣袤等也其袷尺二寸大夫以上侈之者半而益一其袂三尺三寸袷尺有八寸也賈氏公彥曰元端卽朝服十五升布衣也不言朝服而言元端者欲見色而取其正也陳氏祥道曰司服言諸侯孤卿大夫士之服而繼之以齊服元端則元端者非特士之齊服而已古者端衣或

施之于冕或施之于冠大戴禮曰武王端冕而受丹書
樂記魏文侯曰端冕而聽古樂此施於冕者也冠禮冠
者元端內則子事父母冠綏纓端繹紳公西華曰端章
甫此施之于冠者也蓋元冠齊服也諸侯與士以爲祭
服大夫士以爲私朝之服天子至士又皆以爲燕服然
則端衣所用廣矣哉

禮記義疏

玉藻

元端以方幅爲名朝祭之服亦然其別者不

畫則止謂之端畫則曰袞曰鷩曰毳曰希曰元而無端
名此記言元端鄭氏由下皮弁視朝推之而以爲冕然
朝日爲中祭不應服祭羣小祀之元冕故又疑元端朝
日非周禮謂鄭不當改端爲冕方氏又卽鄭說而小變

之以爲元端而加元冕則亦鄭說耳或又謂元端卽指有畫者言以爲元端卽衮冕此與周禮言衮言鷩之例不符要惟鄭孔爲近似但朝日元冕究未敢安並存之以備攷

周官義疏

司服

元端服則元冠而元衣朝服則元冠而緇衣特牲疏所謂一冠冠兩服也六入爲元七入爲緇是元淺而緇深也通言之則緇亦名元

儀禮義疏

特牲記

卿大夫士助祭之服視祭於己之服皆加一等故士之賓兄弟亦如之所以然者惟天子不助祭降而五等之君無不助祭者其助祭之服皆加於己之祭服所以明有尊也則國君之臣視此矣記曰卿大夫冕

而祭於公弁而祭於己士弁而祭於公冠而祭於己實則弁而祭於己者惟國君耳若大夫亦冠而祭於己加少牢之元冠朝服是也大夫降而朝服故士降而元端蓋自諸侯以達於士等而下之不爲屈也其助祭之服皆加等自士大夫之有司兄弟推而上之以達於君不爲僭也

章甫

儀禮義疏記意卽以此當始加之冠也

委貌周道也章甫股道也母道

夏后氏之道也

蓋始加應以元冠重古故用緇布冠而旣則以

此易之然則三者皆无冠之別名歟公西華言端章甫則周人亦名章甫矣

禮器

士冠禮有元冠鄭氏注云元冠委貌也周官司服
有冠弁服注又云委貌也聶氏崇義述舊圖謂夏曰母
追殷曰章甫周曰委貌後代轉以巧意改新而易其名
耳然則委貌也章甫也母追也冠弁也並用緇布爲之
故皆可以元冠名之其制有梁有武有纓有綏有純有
縮縫有橫縫有襞積或五或七大抵吉冠左辟喪冠右
辟吉冠內畢喪冠外畢吉冠圓喪冠厭吉冠元喪冠素
吉冠不條屬喪冠條屬吉冠綏喪冠不綏吉冠緣喪冠
不緣居冠屬武非居冠不屬武此其大略也

相

儀禮義疏
特牲饋食禮

擯相者皆宗人周官凡享祀大宗伯詔相

王之大禮小宗伯詔相王之小禮亦禮官事也

周官義疏

裸將乃小宰通贊知然者大祭祀宗伯涖玉

也省具以示虔也凡祭祀小宗伯將瓚裸奉器以待用也他職無及裸事者則贊王裸者惟小宰明矣 曰凡賓客者大朝覲會同則受爵與幣皆冢宰贊也不曰小賓客者以贊裸兼大賓客又冢宰有故則大賓客之爵與幣亦得攝贊故以凡賓客該之

又

肆師 大禮則詔相贊正貳也小禮則相治警羣有司也

儀禮義疏

大宗伯朝覲會同則爲上相注云出接賓曰

擯入詔禮曰相此經乃入相禮時亦稱擯者蓋對舉則別散文則通也

足兵

周官義疏
司馬序官

治教禮刑四官之司旅皆有官中常行之職業惟兵則戢而時動雖百年不用不可一日不戒也故軍司馬以下設輿司馬以閑輿衛而教以罄控驟馳之節設行司馬以整戎行而教之以步伐止齊之數使習之于平時而試之以蒐狩所謂本強而精神可以折衝也畿內之兵既更番而試之六服之國亦各用王朝之法所以六軍同力如臂指之相使也楚之強也卒乘輯睦日夜無懈隨會憂其難支晉之衰也公乘無人卒列無長叔向歎其不競觀此則知周公整軍經武之法雖百世不可易矣輿司馬之爵高其任重也行司馬之數

倍其員多也六師之作每軍與司馬宜各一人行司馬各二人旅下士之居者行者亦各聽于一司馬而職文既逸無可稽矣行軍有晝事必有夜事皆所當習夏月暑熱薰蒸從禽之役不可以終日故芟舍則專辦軍之夜事于以順時令而適人情斯爲宜矣然則芟舍蓋晚集而曉散者也自撰車徒至車弊蓋終夜及晨而畢之撰車徒讀書契案籍而數之卽各以所建所執之器爲驗也他時亦然特于此見之耳羣吏分爲之則不疾而速矣辨號名之用夜事之所尤重也故下文詳言之帥以門名者孤卿爲主帥者也一帥所統之軍或由鄉或由遂或由采地或由公邑鄉師遂人縣師稍人諸官

以法作民徒帥而至于司馬以分隸于六軍之帥既更番而遞役之以均其勞逸又隨所部而分轄之使親其長上故一帥之下有此數色也縣鄙由六遂來者家由采地來者卽師都也鄉由六鄉來者卽州里也野由公邑來者也官府者孤卿大夫士之總稱孤卿旣爲主帥則此百官者大夫士也縣鄙各以其名如云某遂某鄙也鄉以州名如云某州某鄉某黨也野以邑名若魯則武城汶上之等是也此三者注云鄉遂之屬謂之名卽司常職州里各象其名者也家以號名如孟孫氏叔孫氏臧氏郈氏之等皆號也注云家之屬謂之號卽司常職家各象其號者也百官各象其事如天官之幕人掌